



School of Education and Cognitive Science

EFF 312 Fonetik dan Fonologi

Tugas

TUGASAN EFF 312 Fonetik dan Fonologi

Pengenalan

Panduan ini menerangkan dengan terperinci Tugas untuk kursus ini. Tujuan panduan ini ialah untuk memastikan bahawa semua pelajar serta Fasilitator Akademik mempunyai maklumat yang sama tentang apa yang dikehendaki. Tugas ini merupakan salah satu komponen penaksiran yang telah ditetapkan untuk kursus ini.

Tugas ini bertujuan untuk **menilai peringkat-peringkat kognitif tahap tinggi**; iaitu kebolehan anda mengaplikasikan prinsip & konsep yang telah dipelajari dalam penyelesaian sesuatu masalah, menilai dengan kritis hasil yang diperolehi dan menghasilkan sesuatu yang baru atau mengubahsuai sesuatu yang sedia ada.

Panduan ini juga mengandungi kriteria yang ditetapkan untuk memudahkan Fasilitator Akademik menilai hasil kerja anda.

Penulisan Akademik

Penulisan akademik adalah penulisan ilmiah atau saintifik yang menjawab secara sistematik dan teliti sesuatu persoalan. Penulisan akademik berasaskan kepada idea bahawa kesimpulan hanya boleh diterima bila disokong dengan bukti. Seorang penulis akademik harus mengumpulkan data secara objektif, tidak terpengaruh dengan pegangan sendiri (kecuali tajuk menggalakkan penulis memberi pandangan atau merupakan sesuatu refleksi peribadi), gunakan data yang diperolehi untuk menyokong sesuatu soalan atau hipotesis.

Secara ringkas sesuatu Penulisan Akademik mempunyai ciri-ciri berikut:

- Menyampaikan fakta secara sistematik, konseptual dan mengikut prosedur yang jelas.
- Penulisan mestilah cermat, tepat, benar dan tidak membuat andaian.
- Setiap pandangan yang dikemukakan disokong dengan bukti.
- Penulisan tidak boleh memutar-belitkan fakta atau melebihi-lebihkan sesuatu.
- Menulis dengan jujur dan hanya mengemukakan kebenaran. Tidak ada kenyataan-kenyataan yang menimbulkan keraguan.

Plagiarisme

Apa itu PLAGIARISME?

Plagiarisme ialah apa jua bahan tulisan (esei, projek) yang diserahkan dengan tujuan menipu tentang kebolehan, pengetahuan atau sumbangan oleh seseorang pelajar. Selaras dengan Seksyen 14.0 *Academic Offence*, dalam Buku Panduan Peraturan Universiti, Asia e University, seorang pelajar tidak boleh memplagiat apa-apa idea, penulisan, data atau ciptaa orang lain yang bermaksud seperti berikut:

TUGASAN EFF 312 Fonetik dan Fonologi

- Memetik atau meniru sebulat-bulat hasil kerja orang lain tanpa memberi penghargaan atau membuat rujukan, dan mendakwa bahawa ia adalah hasil ciptaan sendiri.
- Menulis atau mengolah idea orang lain tanpa membuat rujukan. Memang diakui bahawa kita kerap kali mengambil idea orang lain dan ini adalah tidak salah jika kita membuat rujukan dan mengakui sumber,
- Suatu cubaan untuk menonjolkan dalam apa-apa cara, bahawa dia ialah sumber asal atau pencipta sesuatu idea, penulisan, data atau ciptaan yang adalah sebenarnya diambil daripada beberapa sumber lain. Ini termasuk gambar rajah, lukisan, klip video & audio, gambar dan sebagainya.
- Penyerahan satu esei yang sama untuk memenuhi syarat dua atau lebih kursus.

Bagaimana saya boleh elak daripada PLAGIARISME?

- Pastikan setiap frasa, ayat atau perenggan yang anda petik mempunyai rujukan yang berkaitan dan dinyatakan sumber dalam kurungan.
- Tulis semula ayat atau perenggan dan pastikan rujukan dinyatakan dalam kurungan.
- Gunakan format APA (American Psychological Association) untuk membuat segala rujukan.
- Pastikan anda mengkaji dengan mendalam tentang isu hak cipta dan apa yang anda boleh gunakan tanpa hak cipta.

c) Rujukan

Semua sumber yang anda telah rujuk mesti disenaraikan di akhir tugas anda di bawah seksyen **RUJUKAN**.

Berikut ini ialah kaedah membuat Rujukan.

Daripada Jurnal

DuFour, R. (2002). The learning-centred principal: *Educational Leadership*, 59(8). 12-15.

Daripada Online Jurnal

Evnine, S. J. (2001). The universality of logic: On the connection between rationality and logical ability [Versi Elektronik]. *Mind*, 110, 335-367.

Daripada laman Web atau laman Sesawang

National Park Service. (2003, February 11). *Abraham Lincoln Birthplace National Historic Site*. Diperolehi February 13, 2003, from <http://www.nps.gov/abli/>

TUGASAN EFF 312 Fonetik dan Fonologi

Daripada Buku

Naisbitt, J. and Aburdence, M. (1989). *Megatrends 2000*. London: Pan Books.

Daripada Bab dalam Buku

Nickerson, R. (1987). Why teach thinking? Dalam J. B. Baron & R.J. Sternberg (Eds), *Teaching thinking skills: Theory and practice*. New York: W.H. Freeman and Company. 27-37.

Daripada Akhbar

Holden, S. (1998, May 16). Frank Sinatra dies at 82: Matchless stylist of pop. *The New York Times*, pp. A1, A22-A23.

TUGASAN EFF 312 Fonetik dan Fonologi

Perincian Tugas	
-----------------	--

Tugas ini terdiri daripada TIGA (3) bahagian:

Bahagian A: [15%]

4 - 5 halaman

Bincangkan perkara-perkara berikut dengan jelas dan sertakan contoh-contoh yang relevan:

- Fonetik dan fonologi bahasa Melayu
- Bunyi vokal, konsonan, diftong dalam bahasa Melayu
- Penggunaan Sistem Ejaan Rumi bahasa Melayu.

Bahagian B: [15%]

Bincangkan ciri-ciri suprasegmental dan kepentingannya dalam pengajaran lisan bahasa Melayu.

Bahagian C : [30%] 8 - 10 halaman

Tulis satu laporan lengkap tentang:

**Pengajaran Kemahiran Lisan Bahasa Melayu Di Sekolah Saya:
Satu Tinjauan**

Garis Panduan:

- Latar belakang sekolah anda
- Peruntukan masa yang digunakan oleh guru untuk mengajar kemahiran lisan di sekolah
- Kaedah pengajaran yang digunakan oleh guru untuk mengajar kemahiran lisan kepada murid di sekolah
- Temu bual **DUA** orang guru untuk mendapatkan gambaran dan maklumat tentang pengajaran lisan di sekolah sama ada pengajaran lisan diabaikan atau tidak di sekolah
 - o Pendapat mereka adalah untuk menyokong jawapan anda.
 - o Dalam esei anda tidak memerlukan menyebut nama mereka tetapi boleh melaporkan seperti berikut:
 - o Guru X: *Pada pendapat saya,*

TUGASAN EFF 312 Fonetik dan Fonologi

- Esei ini hendaklah terdiri daripada **pendapat anda, pendapat dua guru** yang anda temu bual dan diakhiri dengan **rumusan**.

Format Tugas

- Gunakan kertas saiz A4 dan ditaip 1.5 langkau (*1.5 spacing*)
- Gunakan *Font* New Times Roman, saiz 12

Penyerahan Tugas

- Jangan lupa menulis NAMA dan NOMBOR MATRIK pada halaman pertama.

-----0000-----

*TUGASAN EFF 312 Fonetik dan Fonologi***HALAMAN DEPAN TUGASAN****TUGASAN
SEMESTER SEPTEMBER 2021**

KOD KURSUS	EFF312
NAMA KURSUS	FONETIK DAN FONOLOGI
PROGRAM	SARJANA MUDA PENDIDIKAN
NAMA PELAJAR	
NO. MATRIK	
NAMA FASILITATOR AKADEMIK	
PUSAT PEMBELAJARAN	